



今年余假館塘栖高君靈囿署中愛其山水之佳風物之美因思輯為一書如周處之記風土宗懷之記

歲時顧弁陋無聞未敢握筆一日高君攜樓乘類編

示余迺近人周逸氏以里中耆宿張半菴樓里景物

畧曹菽園樓水文乘二書分類增補而成之也余既

病其名書之義曹周兩家不如張氏之善即其分類

繁冗駁雜筆亦骯髒近俗意復厭之張氏仿劉侗帝

京景物畧也余雖未見其書要必有可觀者游覽之

餘因取類編點竄刪改存十之一釐為二卷曰塘栖

志畧蓋志所見聞畧而不備也然是書即張曹之書也得毋屋下架屋之識譏乎雖然雕鏤組繡等耳而其為龍鸞為花草則不同也乾隆丙戌冬十一月枯樹灣人何琪書

凡例

- 一 是書為目凡六山水古蹟梵刹園圃寓公風俗
- 一 山水志勝也無可取者不錄梵刹仿此
- 一 是書四界悉依類編如古蹟所載鳳口戰場去鎮似遠茲亦從之
- 一 志寓公而遺人物人物邑志所收茲不敢混
- 一 類編所錄題詠妍媸並登今稍為去取間有增入見於他書也

塘棲志畧目錄

卷上

山水

獨山 丁山 小山 丁山 湖 翠紫湖 橫
白栗山 丁山 小丁山 東小河
潭 天然泉 山 湖 翠紫湖 橫
牛潭 天泉 山 湖 翠紫湖 橫

古蹟

伍子宅 勾壘 王莊墓 六墓 花園
墳 尤平章宅 奉口戰場 塔墓 花園
大善寺 清流寺 榭霞院 淨土菴

梵刹

資慶院 綠野菴 浮梁院 永清寺
慧日寺 德雲菴 化城菴 報福寺
泗水菴 水南廟

卷下

園圃

呂園 丁氏別業 卓園 東園 竹里
館 水 一方 吳園 柳堂 且適園

南樓	誠齋	唐珏	登瑤	豁堂	塔與	楊與	詞八	九如	吳鍾
西園	趙孟頫	趙孟頫	馮文昌	嚴岳	甘肅	甘肅	沈維	沈去	沈九
借竹樓	文嘉	趙吉士	趙吉士	紀映鍾	清明寄樓里故人	梅里故人	王廷璋	於二	錫歲
橫潭草堂	朱靜修	朱靜修	朱靜修	蓋瑛	又竹枝	又竹枝	四首	二首	暮竹枝
學	王穉	王穉	王穉	陸	卓	卓	卓	卓	四首

塘棲志畧稿卷上



何琪東甫輯

山水

半郭半村閑身獨寄一山一水倦眼堪擡雖無
謝幼輿邱壑之姿却有田游巖烟霞之癖志山
水

獨山

獨山在鎮南十八里一名金盞山高二十丈周二里
脉連皋亭而聳出一方猶西湖之山也山北有巨石

形若虎踞名大石巖下瞰橫溪冬月過此寒鴉古木
不勝荒寂前明陸氏隱此繞屋老梅數百本名萬玉
軒

夏與誠題萬玉軒

暗香疎影句能傳暮景空林色最妍瓊館夢回春
似海琪園坐對日如年娟娟霜月將三五粲粲水
花逾十千獨鶴歸來風動處霓裳小隊舞羣仙

孫治過獨山陸氏

曲水臨蓬景橫山隱晚花壯心思越石雄辯辯折

田巴劍引浮雲近杯深溪柳斜著成新語在遲暮
莫長嗟

超山

超山高五十七丈周十五里諸山皆遠此獨臨峙鎮
南屏顏翠色徃徃落花于斜街委巷之中

呂需登超山絕頂作

春盡山行載酒瓢松聲携我上宮堯排空怒石崩
雲出徑轉新亭接巘高一塢濃煙藏虎豹半天清
響落簫韶振衣獨立渾依世極目蒼忙茫江水遙

王廷璋登起山

絕頂茆菴載酒過晴峯
千尺鬱嵯峨亂離吾輩登
臨少淹忽浮生感慨多
樹杪鐘聲延杖履山腰閣
道隱雲阿溪巖遮莫當時色
剎有春風到薜蘿

丁山

丁山在鎮南五里高止尋丈
明丁方伯養浩之父樂善公
築讀書^莊于此故名邑志謂高二十丈者小丁山也下為丁山湖

小丁山

小丁山高二十丈周二里由丁山湖支港折而東行里許水又增闊迴汀曲渚之間小丁山在焉松竹蒙密倒影寒浪其外村落多枇杷橙橘梅杏桃李之樹每春花時游丁山湖者至此更登巔眺望歌飲以為樂

龜山

龜山脈連起山高二十餘丈狀如龜形其北為馬山

馬山

馬山亦形似也高四十丈長三里其西北為白栗山

白栗山

白栗山高二十丈周里許直走溪河其麓為白栗橋
土山

土山高如丁山突起平坂中其山多土無石質鬆性
潤宜種花凡栽蘭菊多携畚取之

丁山湖

丁山湖在丁山下汪洋數百頃遠浮獨山近接超峯
馬山丁山蓋小阜勿見也湖平如鏡舟入其中澹巖
可愛昔東坡比西湖為西子余謂丁山湖亦西子也

特未入吳宮少金翠之飾耳

翠堂森禪師丁山湖水居二首

踏遍三吳兩浙山可來湖上恣幽閑溪菱過雨花
初白堤柳經秋葉盡斑野艇就羣迴北渡斜陽辭
我落西灣蟾生隔岸猶堪望逐水開門夜不關
一湖秋水碧連天風起蘋花白岸邊茆舍矮依丹
樹縛道人閒伴白雲眠堤傍聽落經霜葉籬外看
過載月船雖是現成西祖意跨門先在檻機先

翠紫湖

翠紫湖在八字橋東徐野君曰每當夕陽初下山色
欲沉霞彩烟光紫翠交集於斯際也思披鶴氅乘蘭
舟采芙蓉搴芳杜呼黃鶴仙人嗚嗚鐵笛歌竹枝于
中了不知其隣于塵郭也

朱大輝翠紫湖

百頃汪洋翠紫湖奔流天目此旋鋪蒹葭人靜停
雲邈簑笠翁曾釣雪無數葉烟波爭網漢亂聲淒
月夜歌蕪得魚桑市前津換半飽新蠶半飽鷓

橫潭

橫潭以潭橫於市偏也乃棲鎮山水獻秀之所景物
清曠看月尤宜聞是地亭館相望今惟青蘆披拂白
鷗往來而已

馮硯祥橫潭歌

橫潭漾漾泛秋月悵望烟波渺難越涼風吹動木
蘭舟月明處處菱歌發菱歌乘月起中流隱隱簫
聲動畫樓菱唱音相亞橫潭月轉金波泛盪過直
深搖落秋風多獨憐天末佳人晚秋水芙蓉愁奈
何

牛潭

牛潭在馬鞍山東麓水味甘而冽卓方水馮硯祥偕
往汲烹芥茗以為品在惠泉上

天然泉

天然泉又名龍井在白栗山泗水菴內石罅間天然
成井不假甃甃甃味香冽煎茶通信宿不敗

邵銳汲泉煮茶

棲溪老人鬢欲華杖藜方外謁袈裟雲端度嶺青
天近松下乘風白幘斜峭壁坐禪飛錫杖空堂演

法兩天花明年此興遲遲日重到南山看采茶

丁養浩步韻

絕頂清新遠物華一塵飛不到袈裟松高百尺穿
雲出竹壓禪關帶月斜野鶴有時閑教子老梅無
語自閒花相逢莫問人間事紗帽籠頭且吃茶

沈朝煥步韻

洞古山深閱歲華東林遺事歎袈裟雲開水檻層
層入烟繞藤枝故故斜暇日羣公三徑草方春遊
客五陵花蘭亭墨妙猶堪讀共愛泉香陸羽茶

東小河

東小河在鎮東北居人面山臨水長廊曲檻河柳映
之宛如畫境騷人詞客常泛舟觴詠于此

徐野君詩

風裳水佩若為裁東小河邊望眼開莫道聞歌人
不見荷花深處蕩舟來

古蹟

龍樓已失空村騰紅粉之魂麟閣虛標寒月照
青苔之骨誰憐寶玦曾佩腰間想見鐵衣不離

身上是足興哀于杜甫兼堪憑弔于李華志古
蹟

伍子宅

伍子宅故址在鎮西相傳子胥避難之所其旁村港
皆名伍林

陸叢思詩

往事興亡幾代餘土人猶說伍公居吳宮越苑今
何在荒草寒煙古木疎

張超微詩

聞說英雄伍大夫避仇曾宿此中無越王自治吳
宮後鐵壘金城亦已無

勾壘

勾壘在鎮北十里為越王勾踐屯軍處其北岸名城
頭蓋越王築城于此

沈去矜詩

野水悠悠落日斜
斷刀遺鏃半沉沙
興亡說盡無人會
幾處墩樓噪晚鴉

張祖定詩

幾年臣妾向姑蘇
甲士三千竟詔吳
伯業可憐隨逝水
蕭蕭舊壘叫寒烏

王莊基

王莊基南宋福王莊院故基也福王居妃妾其間一
時艷冶之盛脂膩漲流今紅粉溝美人球洗馬池皆
舊蹟也伯顏破臨安福王及宗室駙馬隨恭帝北行
宮人數百俱自盡後是地時聞環珮聲有士子月夜
憑閣聞歌云淡淡春山抹未濃偶然還記舊行踪自
從一入朱門去便隔人間幾萬重

張超微感賦

襄樊正報圍城急天子求賢不可得賈相行邊建
間時富商債帥可凌奪葛嶺高歌樂未休王公戚
卿咸優游卧龍橋畔羣芳聚翠華曾此度春秋紅
粉溝頭高髻娥宮門屹屹如山河洗馬池邊人却
步黃金布埒錦成窩樊城既失襄陽去半開堂空
鳥鵲倨相國行成駙馬隨謝村載壘朝京師諸王
妃子同囚首雕梁畫棟俱難守池荒橋斷佃民居
大河既開風氣殊人文蔚起翰苑出甲第連雲難

具述佛廬僧舍如蟻封賓客去住隨鳴鐘吁嗟乎
離宮別館荒蕪遍耕夫徃徃鋤珠鈿錢鑪孟劍或
有之遺簪斷珥珥深池現蒼龍歷津虹影拖攘攘
鬧市成肩摩富貴更番景物換舊日繁華可奈何
又紅粉溝詩

紅粉溝頭窈窕娘蟠龍結子藕絲裳傾城一笑千秋
恨夢影猶飛蛺蝶廊

曹妃洗馬池

花園一望墓陰存路入餘橋桃李繁洗馬風流誰

得似王孫芳草不堪論

六墓

六墓在鎮北村中福王諸妃妾墓也凡六所以號村曰六墓

沈去矜詩

月底金蠶出墓門
花開寶壓濕啼痕
江邊不見冬青樹
猶憶姍姍帳裏魂

王丹麓詩

斷碣殘碑半掩塵
寒煙衰草不成春
誰知此地埋

香骨盡是當年掌上人

陸畫思詩

村烟漠漠鳥飛還
粉黛銷沉荒草間
知爾魂歸明月夜
不堪南望鳳凰山

張振孫詩

荒村問古弔宮娃
落日平原徧野花
猶得芳魂依故國
絕勝青塚傍黃沙

花園墳

花園墳墓元處士陳伯通地即福王花園也伯通字

汝明錢塘西溪人福王長史陳仲謀孫幼隨長史于樓上福王北遷園基為豪富所得不勝感憤乃倍餒贖歸伯通卒遂瘞于此故稱花園墳云

尤平章宅

尤平章宅在庫橋元平章尤某故基也旁有院金潭相傳平章女浣金盆于此

張之鵬詩

高門聲勢可如雷富貴還同泡影清昔日豪華游樂處斷釵零瑩總成灰

呂律詩

潭潭甲第此雀鬼金積豪門現鐵扉寂歷空流橋下水數株垂柳墓鴉飛

奉口戰場

鳳口戰場在鎮西北二十里三旦八公勦殺元軍于此楊鐵崖作勲德碑文以紀其事

高啓過奉口戰場

路迴荒山開如出古塞門驚沙四邊起寒日慘欲昏上有饑鷲聲下有枯蓬根白骨橫馬前貴賤寧

復論不知將軍誰此地昔戰奔我欲問路人前行
盡空村登高望廢壘鬼結愁雲屯當年十萬師覆
沒能幾存應有獨老翁來此哭子孫年來未作休
兵疆弱事併吞功名竟誰成殺人遍乾坤愧無拯
亂術佇立空傷魂

塔基

塔基在東鎮東里許嘉靖間胡總制宗憲築今建文
昌閣其上即俗稱八角亭是也

張綱孫詩

棲水合流處其中有孤墩壘石為基址上有白骨
存渺渺蘆葦烟簇簇蒹葭根幾秋飄雪花每春長
浪痕水鼠拱沙穴野鷺飛黃昏往來多客舟經過
傷心魂昔人知地脈疊此當橋門雖非艷瀕堆柳
足壯乾坤

梵刹

象教莫隆於吳越伽藍比盛于洛陽乃有精廬
允稱淨土既俯清漣以彌幽兼帶長林而益勝

志梵刹

大善寺

大善寺在鎮西北寺額趙孟頫書字大徑尺結體古
茂蓋真蹟也其後禪寮有古樹合抱蔭蓋畝許王伯
穀為篆額曰獨樹齋今仍其名書則易為八分矣無
名欵字亦疎瘦可愛不知何人書也殿前又有無心
一株高五丈七尺傳是石晉時物

李日華秋晚過大善寺

塘南樓閣萬家稠塘北招提少客游剩有殘僧閑
補袖夕陽紅樹一房秋

釋大香獨樹齋

千秋禪寂樹清影護雙扉當時曾一宿花墮水田
衣

又詠無心柏

指示娑娑樹曾叅趙老禪至今空五內獨立小庭
前

清流寺

清流寺在鎮東北軒豁宏敞殿後千佛閣高聳百尺
舟船往來見于數里之外聞閣後舊有石刻貫休六

祖李龍眠羅漢唐子畏魁星諸像皆卓光祿明卿家
藏真蹟雙鉤勒石者今俱不存寺亦寥落矣

董道權登千佛閣

上盡層梯倚曲闌諸峯青似碧琅玕枝撐直欲侵
霄漢魚鼓微聞自戒壇野色四時堪作供天風五
月尚生寒登臨到處懷親舍指點江東放眼看
張綱孫和王伯毅清流寺

古寺當樓口登橋一片霞連檣知水市俯岸見人
家細火沿坡落遙山入樹斜此時圓月上處處暎

秋沙

棲霞院

棲霞院在鎮北址為里人朱氏捨俗呼艸菴順治中
天童僧石菴駐錫于此改金名門運幽僻春風秋月
彌多佳致中有且挂瓢樹下居諸勝東海范文白驥
有徑眾能容竹池寬可養鷺之句

新安趙吉士甲寅除夕父子會於棲霞院

何期離亂後此地獲團圓不惜三冬盡徒傷舊歷
殘寒鐘開靜梵野火爆叢竿相對渾如夢猶疑故

里看

結成方外契烟水隔籬門遠棹來猶子分攜及稚
孫桃符驅疫鬼酒脯祭詩魂半載傷心處艱難忍
細論

未遂幽棲意禪關偶一探柴門懸棘矢陌路照田
蠶大父依方丈諸孫傍佛龕竹林惠遠在清夢結
雲曇

忽忽年老去兵戈剩此生離鄉網兩月分歲正三
更寒盟整爾依蒲供歡然菽水情故園邱壑好歸隱未

又乙卯元日四首

夜半春禱動烟光萬戶齊卜鄰新洛舍寄跡古塘
樓大地皆然草荒村亦磔雞辛盤羣獻祝豈必別
東西

相携支許伴羅拜梵王家霜竹常含翠寒梅半著
花江南哀井里直北憶京華座客皆名士何須覓
孟嘉

始覺征輦盡僧扉不復扃救焚誰喫酒奪席爾淡
經故國藏豺虎寒原駐鶴鷄塵襟滌欲盡竹影舞

空庭

繞膝羣兒在長文方弱年深杯傾白墮舊物失青
鑪天鵬初開後春光欲曉前年餘花雪降古渡起
新烟

淨土菴

淨土菴在花園墳西額為董文敏公書村逕紆折游
屐鮮至豈蕭寥之味人不愛歟而菴亦幽矣

資慶院

資慶院俗呼西茶亭距長橋里許錢謙益記黃汝亨

篆額

綠野菴

綠野菴在鎮南由桑徑度橋而入橋外蒼山遠橫平
蕪彌望綠野之名不虛也

紀伯紫過綠野菴

終歲塵務牽茲辰遂清賞聞來十笏居輕移九節
杖短垣縈薜蘿平橋帶林莽帆移古塘外月照遠
山上幽景人不知天公付吾黨

南屏豁堂和尚詩

小岸臨流可滌煩幽棲初不碍居村山橫平楚青
浮檻野度低橋綠到門雙燕來稀人喜靜一牛鳴
遠市忘喧若教種樹能遮屋絕勝鋪金貴買園

浮梁院

浮梁院在鎮市東北極盡處院三楹不柱而梁承以
土垣如浮焉故名浮梁舊為呂氏德勳書院趙文華
為諸生時館于呂其額猶文華手蹟也頗端勁有法
不類其為人

郭西韋詩

皋鶴當軒入畫圖夜深鐘鼓醒吾徒空林漠漠寒
烟外古墓荒田有鷓鴣

永清寺

永清寺在三分村寺門臨水古樹扶疎清潭演漾亦
一幽棲蒼筍林也

丁養浩詩

向晚入蕭寺松蘿暗水濱樹頭鴉噪久門外客來
頻老鶴翻空翠歸鴻背夕曛巢由空洗耳終此避
鷺塵

慧日寺

慧日寺在博陸村壁間有倭字詩人不能識丁養浩
追憶舊游有詩云北溪溪上一追游慧日名山萬古
秋三徑草堂通別墅一間茆屋瞰清流月明村塢僧
歸晚雲掩松關鶴夢幽尊酒醉來成一笑高風絕勝
虎溪頭

德雲菴

德雲菴在界河村即趙松雪與中峯禪寺師倡和梅
花詩處壁有松雪墨梅一株今毀

朱大輝詩

行過溪邊草綠聞來竹裏香清不見王孫墨妙空
廊獨立含情
一片桑陰未葉幾枝杏瓣初花前峰濃淡雲氣半
繞蕭瑟僧家

化城菴

化城菴在馬鞍山趙松雪題額曰化城深處又井闌
石刻淳祐年號亦松雪篆書今俱不存
報福寺

報福寺在超山之麓寺門幽邃游者繞梅以入後殿
有石刻吳道子觀音像寺僧飾以金粉失古舊之色
矣

泗水菴

泗水菴在白栗山之陽背負小阜連岡突石可眺可
遊接阜以往中斷為峽林木幽蔚人寂境清最為勝
處而遊山者未之知也

水南廟

水南廟在鎮南神為福王妃姓詹氏名玉珍泉州人

福王北行蕃邸妃妾多從之者神獨悲憤不食誓以
身殉飲鴆不死遂死于井年二十七里人感其忠節
立廟祀之至今勿衰

吳信昌水南廟行宮落成

卓然女節邁男兒殉國從容死不辭偏闕芳名傳
信史好憑神社當忠祠數椽增築重題額四壁新
塗便紀詩南渡河山都莫問尚留尺土祀金枝

塘栖志畧稿卷下

何 琪 東甫 輯

園圃

居人為指遺踪石荒甲乙過客空尋舊蹟檻失
庚辛拙筆記成愧比當年李文叔哀弦撫罷笑
同昔日雍門周志園圃

呂園

呂園在鎮北呂都事北野與弟鴻臚寺丞山水別墅
也積石累山規模宏敞其藏書之所曰樾館王百穀

篆額曰喜聲館陳眉公書額曰綿慶樓文衡山書額
曰一本堂周天球書額北野子似野官光祿肖野官
太僕當時賓客之盛第宅之侈甲于杭郡今蕩然無
存後嗣亦鮮有讀書者昔張芸叟過魏文貞公莊居
有句云兒童不識字耕稼鄭公莊盛衰之理古今一
致可慨也

文徵明贈呂似野

而翁北野擅聲華令子才情亦稱家偃息仍分黃
犢艸釣雲還伴白鷗沙天連平楚孤雲渺秋滿寒

泉落照斜日斷長空心共遠此生歸宿豈無涯

王穀祥贈肖野

浙中今古多才彥喜見名家有後人溫潤襟懷同
白玉清修眉宇照青春從知東箭書稱美始信南
鏐世所珍何以贈君何以處佇看鷓鴣試秋旻
周天球皆諸友元夜飲綿慶樓

川途渺渺涉風湍落晚傳橈問呂安遠興正逢春
後雪故人聊贈澤中蘭燒燈水市星俱爛買酒林
塘夜已闌形外論交誰古道囊琴欲發為君彈

丁氏別業

丁氏別業丁方伯養浩所築在漳溪有景薇堂前後
樹石位置皆文衡山仇十洲兩家經營也其西軒顏
曰夕佳蓋養浩謝政歸里取娛晚景之意子之喬工
詩好客吳中謝時成沈青門周東村皆往來倡和于
此蓋名流聚會之所也

卓園

卓園在鎮南芳杜州為為卓光祿明卿之別墅園中
為介如堂東為夕陽明半樓西為月波樓面皋亭黃

鶴諸峯樓側為靈籟館為白雲堂

文徵明過卓明卿園居

卜築幽棲一畝宮冷然時欲御天風月光縹渺開
簾處山色虛無覽鏡中靜對晴波沙鳥白亂翻春
浪野桃紅知君應是龍門客未許扁舟作釣翁
袁尊尼詩

碧水環洲杜若香切雲重屋隱雕梁美人日宴披
瑤笈幽客時來釣玉璫圓合松蘿三徑杳交加竹
樹四山蒼何年雀舫樓邊繫皓月層波對舉觴

周天球題詩

聞道中洲勝春生杜若香盈盈只一水渺渺即三湘
鳴牖吳歛近塞芳楚調長美人時在望欲往恨無梁

東園

東園亦卓光祿園也在第宅之東因以名焉中構樓曰大空曰梅花軒曰茶癖堂曰衆曰白其堂顏壁畫並董思成翁手筆左右花木交蔭闌楯周接無不妍巧若夫水光鏡展山色黛橫斯又樓中之勝矣後齋

于鄰人吳氏其孫回低徊不忍去乃作詩留別云可
落落一長松倒掛離愁千萬重卷石行吟聊小坐長
廊散步泣悲松風無錢賣竹慚蘓軾有志攜琴憶蔡
邕惟爾滿園秋桂色他時惜我片時容

沈洪芳和卓回別東園

臨溪曲曲有長松秋未逢霜楓未紅佳景爾來人
漸去愁心欲遣話偏重枯藤似擬牽離袂頑石還
多惜別容更語堂前三桂子堂中不是浣花翁

竹里館

竹里館在鎮東界河村以其構于稻中而名之也竹
之外有樞焉因架閣曰樞閣卓光祿之子爾康著述
地也爾康官屯田以抗直罷歸晚年空囊壁立日僅
麥糜一盂錢牧齋為之募飯作啓

錢謙益過棲水訪卓爾康于榴閣

一官落魄賦歸來華髮蕭蕭棲水隈陶令門前惟
綠柳江淹宅畔只青苔三間老屋談經處兩版荆
扉避債臺贏得他時青史在儒林廉吏並崔魏
陳繼儒過竹里館

有個閑人閑更閑焚香日日掩松關萬竿老樹千
竿竹遮斷溪南枕上山

水一方

榭鎮藏書之富推呂氏北野卓氏入齋呂氏即所謂
樞館也卓則水一方是矣在石人塢之南中有花林
艸堂相於閣三李齋諸勝艸堂嗣君遠條所葺奇葩
名卉襍植堂外因名花林齋閣其孫珂月讀書之所
珂月自譜如夢令詞題三李齋云欲問齋中三李太
白風流無底後主洵多情俊煞易安居士歡喜歡喜

我有嘉賓如此

吳園

吳園即東園也新安學使吳邦相猶子宏文購之增葺池館與狎客徵歌選伎其中脩極豪華不十年而為頽垣廢圃

吉叔向過吳園有感

春來依舊燕歸來王謝風流不復回今日閒愁徧
芳草當年短夢到高槐尋碑誰著桃園記買酒難
傳金谷杯欲擬蕪城憑弔賦還推消渴長卿才

柳堂

柳堂在芴杜洲之南胡庶常休復第也愛黃鶴之峯
秀築二樓面之日夕登眺即顏曰黃鶴山曰鶴隱庶
常沒樓遂局鑰無登者矣

錢謙益夜集休復故第

宅第蕭條不稱春空堂寂寂網蛛塵惟餘寡婦持
門叩更有窮交作主賓燈火共憐長夜客履聲猶
憶下樓人少年舊事東風裡梁燕歸來又一巡

且適園

且適園沈方伯吉甫歸老地也與東園接壤而山環水最勝之所今存巨沼一方石闌數片無復舊觀過者傷之

南樓

南樓胡貞開築慕庾元規之風因名焉貞開字循蜚號瑟菴生而夙慧放誕不羈好騎射有馬名紫騮者以百五十千緡得之常戲馳兩峯三竺間會學使某宴客湖堤馬直前壺翻榼倒酒肴滿地客驚起學使大怒命吏追捕貞開疾馳由皋亭穿林莽而歸學使卒不知為貞開也崇禎己卯舉于鄉甲申後絕意仕進常寫奇峯怪石以抒胸中之塊壘云

張綱孫雨中南樓夜眺

縱目南樓上憑開暮色連夜深雲出水雨細竹藏烟寂寞魚龍氣蒼茫雁鷺天不知故園裡笳吹有誰憐

西園

西園沈居士洪芳園也竹木周匝環植梅林有玉蘭一株大可數圍花開遠望如雪山後贅馮硯祥之子

褒仲于家割其半以贈又稱馮園

金張看玉蘭

不須有葉亦成陰合抱猶餘高十尋規璧品搏為
玉樹萬千蘭聚作香林雲開耀日寒光亂風過兼
天雪浪深俗紫凡紅寒窟甚一年一看寄遐心

借竹樓

借竹樓徐明府舟如就鄰家竹園架小樓收清陰于
窓中夏月這暑其上因榜曰借竹自題曰十里貧簷
野翠抽隔床夜夜話悲秋茶烟每向窓間結籜露常

從檻下收道在左遺弓仍楚國墻西隙地亦荊州主人
竟日無相識宵效當年王子猷

橫潭草堂

堂在橫潭之側水光山色奔赴闌檻中植翠竹絳榴
頗饒佳趣張半菴幽居也

董道權題橫潭艸堂

林泉推絕勝耕鑿得幽栖小閣當山出低檐與竹齊
一經身作蠹三雅客如泥好記重游處重來路欲

迷

學誠齋

金張介山號岑老家貧善吟生平酷好楊誠齋詩所
作多效其體因榜其室曰學誠齋齋中書畫古器位
置雅潔名流高衲過從無虛日湯太史西崖贈聯句
云有人偕隱甘春米與世忘機且灌園

寓公

僦屋以居半是選山選佛買舟而過無非尋友
尋僧應符星聚之占用慰雲停之憶志寓公
唐珣玉潛會稽人瘞楊髡所發南宋諸陵遺骨後即

隱居棲鎮水清寺側里人高其義因名鎮曰唐栖今
祔祀于三郎祠

吳世昌拜義士像

髡徒流毒偏東南艸莽全忠事較難掩骼功全扶
宋社潔身死不慕元官里名又倚先生重神像新
依丈室寬莫把冬青庭畔植恐教觸眼動悽酸

趙孟頫子昂嘗寓界河村德雲菴與中峯禪師偈和
梅花詩又有舟停蘆渚月僧憇德雲菴之句鄉人以
子昂善畫稱菴曰畫師菴

文嘉休承長州人嘗往來呂光祿似野家後別久作
畫寄之系以詩云澗別經幾歲有懷時未酬聊憑水
墨興寫此亂山秋古樹懸藤合蒼崖界玉流題詩相
問訊應否憶吳州

朱靜修孝宗號蓬萊子又號超顛道人蓋嘗隱于超
峯也嘉興諸生嗜酒好讀書樓上胡休復卓仲昌引
為詩友

胡休復贈朱靜修

移得茶鐺與酒瓢却憐野性快相招十竿逃客性

留竹千葉狂書不種蕉松朮也須量腹進園林何
待較晴邀鹿門向說龐公隱猶有妻孥累未消

王穉登伯穀吳人常寓居呂光祿家其夜泊塘樓詩
云十年頻客越四度宿塘樓渙婦衣紅袖居人飲綠
溪月中爭獲稻桑下屢驅雞賣酒重廊夜家家市火
齊

趙佐文度雲間人精繪事每有畫稿出董文敏元宰
輒歎賞之少年游京師以秋艸詩得名人呼為趙秋
艸後徙家樓上居芳杜洲名其樓曰大愚菴著有六

愚菴集徐野君序而傳之

馮文昌硯祥號吳越野民嘉興人司成開之孫也次子褒仲贅于樓里沈氏遂徙家依之晚年復居河渚以守有司成之墓著有吳越野民集硯祥既工詩兼好古書畫有宋刻金石錄十卷極寶愛之手跋其後又為刻印文曰金石錄十卷人家其書僅四冊今吾友鮑以文以十金購於湖州書賈卷尾有朱文石跋其侍兒書也筆亦秀整展對之下媚態古香一時並集惜馮跋不知何人割去為可恨耳是書吾友寤寐

有年一旦得之此歐陽氏所謂物聚于所好也馮本外又有全帙鈔本揚州盧運使雅雨聞之借_校付刻然則鮑君之書富于馮氏矣因附記于此

卓回贈馮硯祥盛夏移家河渚

息影移居度歲華閒行無過兩三家心情減似消殘雪興會濃猶趁晚霞逃暑高眠他院竹逢_秋貯此山茶先余休去針鋒捷何用臨風詠落花

趙吉士天羽號恒夫新安人任交城令海內名士也康熙甲寅遭逆藩之變家人離散吉士至塘栖寓居

棲霞院院僧石菴其族弟也至除夕家人十餘輩不期並集吉士作詩志喜棲里士人和者甚夥常六象作序名棲霞倡和集

韋人鳳六象武康人兄弟三人並有才名人稱三常而人鳳尤著焉嘗假館卓氏

豁堂和尚名正巖一字茶菴錢塘人工詩畫經史百家靡不通究順治中主南屏淨慈寺後愛棲里山水之勝遂駐錫于綠野菴為妙觀上人寫小景絕佳所著有谷鳴個菴凡同艸行世

嚴岳字示恭又字示視公海鹽人以畫竹得名脩然數竿頗具瀟灑之致兼善吟咏寓清流寺

周篔青士贈詩

知君遊戲墨君堂蔽日梢雲放幹長遂使濃雲生
几席坐令清夢落瀟湘旅齋揮灑良餘事藝圃風
流早擅場誰識匣中雙刃劍報恩今已十年藏

李良年武曾詩

書三詩一君無愧對客偏跨墨竹新偶踏落花溪
上路相逢破寺水邊春江南鈎鎖非能事腕底簫

材欲亂真掃偏吳綾獨歸去畫中高節見斯人
紀映鐘伯紫 人時棲里有詩社四方才子赴者
甚衆伯紫與焉往來嘗主徐野君家及別久伯紫作
詩憶之云三十年來別舊遊天涯風雨夢悠悠新詩
樂府傳桃葉定本名山署雁樓紫塞相逢迴白首黃
冠何日往丹邱最憐垂老猶為客鷓鴣洲前擬放舟
藍瑛田叔號蜨叟錢塘人寓于胡孝廉貞開園中仿
南筆意畫雲山一版
陸堦梯霞假館卓氏衆白堂與棲里士人倡和詩文

甚夥

風俗

兩岸帆檣萬家烟火時聞歌吹渾疑路過竹西
頗擅風華不少人如城北江上載歸鴉鬢女村
中爭祭馬頭娘志風俗
塘棲去會城不遠歲時景物大槩相同雖志風
俗不能分條備悉因錄里人竹枝詞數章于後
亦觀風采詩之意耳

楊汝鞭甘肅清明寄棲里故人

吹出鴿簫日未曛吾鄉遊屐止紛紛魚花小戶堪三
倍蠶卦初爻定十分昨夢全非成隔世故人何處久
離群空憐芳草裙腰綠愁望江東日墓雲

清明鎮人皆祈蠶于丁山五顯廟是日游舫四集
歌管競發蓋勝事也

又竹枝詞八首

燈火村塘簇市廛滌洄春水薄于烟儂家樓上臨塘
口看盡南來北往船

兩岸人家夾綠波中間一道是官河月明橋外吳歌

起歎乃聲中客夢多

清流寺外估船開市人上行首屢回何處女郎年正
少楊花一曲抱箏來

丁山湖上水濺濺儂住湖邊屋半椽嫁得漁郎販鮮
去一春風雨伴姑眠

墻頭黑瓦排千齒屋角青山露半尖一事較量輸水
北門前看月不遮檐

鎮南長廊相接水北獨無

橋窄才容小艇撐烏篷低亞燕尾斜河頭時見浣衣

女推髻新簪繭子花
紅粉溝中香冷落美人街上夢飄零花園廢後成邱
墓惟見濃陰一片青
深林古寺鐘聲晚遠水歸舟落照斜最是伍林頭一
望粉垣高瓦萬人家

沈維二首

上已家家賽五侯鄉娃齊上廟山頭拳雞村酒酬香
願燈繭球絲挂滿鈎
郎去金陵奴在家金陵風氣最豪華賈却絲歸多倍

利為儂帶個大紅紗

王廷璋四首

烟雲遙溯白雲低日落風高望欲齊黃鶴拖青河水
濶千村萬落舊塘栖
莫笑桃花開滿枝千枝萬樹春風吹超山洄水郎遊
徧儂去祈蠶五顯祠

郎去金陵三月天勸郎莫戀長江邊長江不比塘河
水慣怕金陵買妾船

里人往來金陵多置妾者

六墓村前麥已秋
六墓村後河水流
啼痕莫染溪邊竹
錯認湘妃淚不收

卓九如二首

愛煞了湖鏡面平圓
菱掉竹繞菱行慢
聲翻依吳歌唱一闋
彎彎最有情

姚家餽釘巧還鬆
香霧霏霏撲面濃
糖拌日烘排岸北
最先嘗得是游峯

姚燦然糖色名馳四方

沈去矜二首

雞鳴月落柳絲黃
隣女停燈待曉粧
時鬢學人梳未了
幾家先到黑龍王

水南水北起霜風
蜜橘村村似火紅
選得金錢親剪贈
連枝一對正當中

蜜橘產棧里號金錢者最佳

金長輿二首

南渡臨安作帝畿
伍林村下舊塘栖
貴官大賈常停泊
還似當年全盛時

稿子初收橘柚肥
短牆矮屋傍雞棲
雙雙兒女西村

去滿袖金錢佛肚臍

蜜橘佳者又號佛肚臍

吳鐘琰二首

鯨青原是舊鄉風
難得燒香看會同
莫笑兒家無插戴
滿頭都是映山紅

俗以寒食夜挈家乘舟外宿謂之鯨青

夜傍橫潭日雨曾
漁家少婦最娉婷
扁舟蕩過餘橋去
笑向旁人學采菱

沈九錫歲暮竹枝詞四首

塘上風喧爆竹生
店家臘紙賽迎神
黃雞待散盤中

福白酒先嘗甕裏春

送竈人家多廿三
明朝天上察稽嚴
但祈賜福休言過
膠嘴粘牙豆飯甜

俗恐竈神朝天言人過失以糯米豆飯粘神口齒
吉祥善事喜頻加
村落年規紀歲華
歡樂門神齊換後
又兼幾朶四時花

松盆夜搭趁晴檐
多管來朝好接天
滿巷巷通紅燒富貴
輕銷幾個霸王鞭

除夜燒松盆內架竹燈檠一對謂之燒富貴

塘栖志畧上下二卷吾友何春渚假館樓上
時所輯乾隆丁亥重九日之明日訪春渚于
枯樹灣頭出此相示携之東軒手錄二日而
畢遂歸插架卷首目錄一頁原本所無今補
入文藻記

是志嘉慶壬戌歲春渚徵君增補付刊有後跋前序首增兩行餘序中
紀歲為己亥與此稿異凡例亦增至十六則各門中皆有增補唯寓公紀伯
紫一則刊本所無不知何以刪去此稿係碧溪老人手抄字句畧有異同故仍
照抄一冊道先亥重九識距碧溪老人手抄時適閱一甲子也羅以智

